



Inungnut Tuhaqtitjutikhaq

Ukiuqtaqtumi Inulrammiit Avatingnut Katimatjutikhaq

Aullaqtirvianut Ublua: Taaqnirmun Aullaqtirvia 19, 2012

Iniqtirvikhaa Ublua: Taaqnirmun Aullaqtirvia 26, 2012

Iqaluit, NU

60 sec

Inulrammiuvit Nunavunmit ihumagivlugu avatingnut? Ihumavigivit pitjutingit hilaup aalannguqtirninganut?

Kavamanga Nunavut, Pitquhiliqiyikkut ikayuqnahuat hitamanik Nunavunmiutanik ukiuqtaqtut 15-nit 19-mut ilauyaanginni uumunga Ukiuqtaqtumi Inulrammiit Avatingnut Katimatjutikhaq Whitehorse-mi, Yukon uumanga Niqiliqivik 8-15, 2012. Uumani ukiungani pitjutikhaa una "Hilaup Aalannguqtirninganut /Aatjikkiiktumik Pitjutinirmut." Avatiliqiyikkut ikayuqtullu uumunga hanaqtitjutikhamut pipkakhugu Hilaup Aalannguqtirninganut ayuitpiaktumik ikayuriangani ayuiqhailunilu ayuitaminik inulramminik.

30-nit 60-nut inulrammiit katimayakturnahuat ukiuqtaqtumit katimaqatiginiatait Yukon-mi inulrammiit 7-ni ubluni ilihailutik, ayuiqniaqtunut inulramminut hivuliqtiunikkut ayuiqlugit, avatingnik kangikhilutik nunakyuamilu havaqatigiiknikkut.

Ilauyaami, uukturnahuat piyughauyut:

- Ilihaqhimalutik tamaat ilihautikhanut uumani 2012-13-mi iliharviup ukiungani, ukiuqtaqtunut 15-nit 19-mut;
- Angiktauhimalutik katimayakturiamingni angayuqqaamingnit/munaqtimingnit;
- Tingmittaaqlutik akunngani Niqiliqivik 6-17, 2012;
- Ayuiqhimalutik avatingnut ilihaqnikkut unalu/unaluuniit piyakhauyamat; unalu
- Ikayurumalutik naguuyunik pitjutikhanut ittunut nunakyuaptingni nunakyuamiittunullu.

Naunairumagungni uukturumagungniluuniit, takuyakturlugu www.climatechangenunavut.ca qaritauyakkut piyaangani uumunga uuktuutikhamik. Uqaqvigiinariaqaqtat titiraqvililuguluuniit chealey@gov.nu.ca/867-975-7735. Uuktuutikhanut umikvighaa uumani Taaqnirmun Aullaqtirvia 25, 2012. Ilauyughat naunaikhimayut uqaqviginiaqtaat hivayautikkut/qaritauyakkutluuniit.

###

Tuhaqtitjutikhanut uqaqvikhaq:

Jacque Pepper
Avatiliqiyikkut
Kavamanga Nunavut
Hivayautaa: (867) 975-7721
Qaritauyakkut: jpepper@gov.nu.ca